



Caribisch Nederland
Belastingdienst

Loonbelasting & premieheffing

www.belastingdienst-cn.nl

nos impuesto ta kambia

Kiko ta bai kambia... ... i kiko tur esei ta nifiká pa bo?*

“Loonbelasting” no ta un impuesto nobo na Caribisch Nederland.

E lei akí ta parse mashá e “Landsverordening loonbelasting 1976”, ku ya ta konosí.

No opstante ta bon pa sa ku a bini algun kambio importante.

Boneiru

En lo futuro no tin nodi di pasa diferente lokèt pa paga impuesto. Entrante dia 29 di novèmber 2010 na Boneiru bo por akudí pa tur pago na e Ofisina nobo di impuesto na Kaya L.D. Gerhardts 12 na



Loonbelasting & premieheffing

Kralendijk. Ei tambe mester entregá bo deklarashonnan (“aangiften”). Te ku dia 27 di novèmber 2010 bo ta keda hasi bo pagonan na e lugánan di kustumber.

Tin un (1) eksepsion. Pa pago di AOV/AWW bo mester akudí ainda na e edifisio di SVB te ku e deklarashon (“aangifte”) di luna di desèmber 2010, esta na yanüari 2011.

Saba i St. Eustatius

Na Saba i St. Eustatius bo por paga i entregá bo deklarashon (“aangifte”) for di dia 10 di òktober 2010 na e ofisina di impuesto na bo isla. Esei no ta konta solamente pa “Loonbelasting en premieheffing” di AOV/AWW i AVBZ (te 31/12/2010) i prima di e seguro di kuido (for di 1/1/2011), sino tambe pa pago di primanan di seguro médiko, seguro kontra aksidente i seguro di cessantia.

Prinsipal kambionan entrante 1 di yanüari 2011

Ta adaptá e struktura di tarifa. Aktualmente e tarifanan ta varia entre 12,5 pa 47,5%, inkluyendo 25% di “opcenten”. Entrante 1 di yanüari 2011 lo tin solamente un (1) tarifa, esta di 30,4%.

Den e tarifa di 30,4% a inkorporá, aparte di e “Loonbelasting” tambe e prima di AOV/AWW i e prima di seguro di kuido. Kiere desir ku ya no ta kobra separadamente prima di AOV/AWW i AVBZ (ku a remplasá pa e prima di seguro di kuido).

Ta introdusí un suma general liber di impuesto i liber di pago di prima di: \$ 9.750,- (Naf 17.453,-). E suma akí liber di impuesto por keda oumentá ku \$ 1.250,- (Naf 2.238,-) pa kada yu, ku un máximo di 2 yu. Por oumentá e suma liber di impuesto ademas ku un suma èkstra di \$ 200,- pa personanan di 60 aña di edat o mas.

Nobo ta ku lo introdusí un asina yamá “suèldo usual” (“gebruikelijk loon”), esta un suèldo ku ta usual pa un kolaborador ku un tarea similar. Un suèldo usual lo ta aplikabel den kaso di un kolaborador ku ta traha pa un entidat, den kua e tin un interes konsiderabel. E suèldo usual lo ta en prinsipio \$ 20.000,-. Si un kolaborador komparabel, sin un interes konsiderabel, ta gana sea mas, sea ménos di \$ 20.000,-, esei por ta motibu pa adaptá e montante di e asina yamá suèldo usual. Esei ta konta en todo kaso pa empresarionan ku nèt a start un negoshi ku tin un ganashi komersial di ménos ku \$ 20.000,-.

Belastingdienst/Caribisch Nederland lo imponé i kobra e parti di doño di trabou den e seguro di kuido (16,1%) i e primanan di doño di trabou pa seguro médiko, seguro kontra aksidente i Cessantia (total 2,3%).

Kiko ta kambia pa bo komo doño di trabou?

Den práktika lo no tin mashá kambio pa bo komo doño di trabou. Bo ta keda entregá periódikamente e impuesto i primanan ku ta figurá riba e deklarashon (“aangifte”). Pero ya bo no tin ku pasa na vários lokèt. Por ta tambe ku esei ya no mester sosodé tur luna. Dependiendo di por ehèmpel e suma ku mester entregá, e momento di entrega por bira kada trimèster o un biaha pa aña.

Na fin di 2010 tur esnan obligá di retené impuesto (“inhoudingsplichtigen”) lo risibí un Manual ekstenso di “Loonbelasting en premieheffing”. Den dje ta deskribí ampliamente e asuntunan mas importante.

* E foyeto informativo akí ta duna liñanan general i no ta completo. Pa aspektonan spesífiko o kualke pregunta, bo por akudí na Belastingdienst/Caribisch Nederland of na bo konsehero.

Ku e teksto akí no por reklamá ningun derecho.